



Republika e Kosovës – Republika Kosova
Paneli Zgjedhor për Ankesa dhe Parashtresa
Izborni Panel za Žalbe i Predstavke

Anr.168/2019

Paneli Zgjedhor për Ankesa dhe Parashtresa (PZAP), në panelin e përbërë nga gjyqtarët: Faton Ademi kryesues, Gyltene Sylejmani dhe Adnan Konushevci anëtarë, me pjesëmarrjen e zyrtares së lartë ligjore Valbona Millaku Foniqi, duke vendosur përkitazi me ankesën e Lëvizjes Vetëvendosjes (LVV), me seli në Prishtinë, paraqitur kundër koalicionit Nisma-AKR-PD, me seli në Prishtinë, për shkak të vendosjes së tendës dhe tavolinës me materiale propaganduese në hapësire publike për Zgjedhjet e Parakohshme për Kuvendin e Republikës së Kosovës, që do të mbahen me datë 06.10.2019, në seancën e panelit të mbajtur me datë 04.10.2019, mori këtë:

VE N D I M

I. Pranohet si e bazuar ankesa e subjektit politik Lëvizja Vetëvendosje (LVV), me seli në Prishtinë me Anr. 168/2019 e datës, 01.10.2019, dhe koalicioni NISMA/AKR/PD, me seli në Prishtinë, për shkak të shkeljes së Kodit të Mirësjelljes për subjektet politike - vendosja e tendave njoftuese me slogane të subjektit politik, për fushatën zgjedhore në rrugë publike – shesh i shqiptohet dënimi më gjobë në shumë prej 5,200.00 (pesë mijë e dyqind) euro, cilën gjobë detyrohet ta paguaj në afat prej 15 (pesëmbëdhjetë) ditëve, nga dita e plotfuqishmërisë të këtij vendimi nën **kërcënim të përmbarimit**.

II. Urdhërohet koalicioni NISMA/AKR/PD, , që brenda afatit prej 24 orëve, nga pranimi i këtij vendimi, të përmirësoj shkeljen e përcaktuar, si në pikën -I-, të dispozitivit të këtij vendimi, në të kundërtën mund të sanksionohet me dënim shtesë nga PZAP-i.

A r s y e t i m

Me datën 01.10.2019, Lëvizja Vetëvendosje (LVV), ka paraqitur ankesë në PZAP, në të cilën pretendon se me datë 30 Shtator 2019, aktivistet e këtij subjekti rreth orës 16:30, në sheshin Mehë Uka, në Mitrovicë, kanë vërejtur se aktivistet e Nisma-AKR-PD, kanë vendosur “TENDË” dhe një tavolinë me disa karrige, me material zgjedhor.

Me këtë rast parashtruesi i ankesës thekson se ky veprim është në kundërshtim me dispozitën ligjore të nenit 33 pika b) të LZP-së, dhe po ashtu shkelje e Rregullores Nr.13/2013,

Parashtruesi i ankesës në mbështetje të pretendimeve në ankesë, si dëshmi ka bashkangjitur fotografi të printuara.

Në përgjigjen në ankesë të datës 02.10.2019, koalicioni NISMA-AKR-PD, në të cilën thekson se lidhur me ankesën në fjalë konsiderojmë se subjekti ynë nuk ka vepruar në

kundërshtim me nenin 33 pika b të LZP-së, sepse subjekti ynë ka proceduar kërkesën me shkrim Komunës së Mitrovicës përkatësisht Drejtorisë për Planifikim dhe Urbanizëm për lejimin e hapësirës publike për vendosjen e tendës në sheshin “Mehë Uka” për promovim të kandidatëve. Më tutje në përgjigje në ankese theksohet se Drejtoria për Planifikim dhe Urbanizëm në Mitrovicë me datën 01.10.2019, ka aprovuar kërkesën tone dhe ka lëshuar Pëlqim të përkohshëm me Nr.08-463/06-0088841/19.

Përgjigjes në ankesë koalicioni NISMA-AKR-PD, si provë ia ka bashkangjitur Pëlqimin e Përkohshëm të marr nga Drejtoria për Planifikimin dhe Urbanizëm në Komunën e Mitrovicës, me Nr.08-463/06-0088841/19, i datës 30.09.2019.

Koalicioni NISMA-AKR-PD, i propozon PZAP-it që ankesën e paraqitur nga Subjekti politik LVV të hudhë si të pabazë.

PZAP-i, pasi që shqyrtoj ankesën vlerësoi se:

Ankesa është e bazuar

Paneli nga fotot e ofruara si provë nga parashtruesi i ankesës, të cilat gjendet në shkresat e lëndës, në mënyrë të padyshimtë, ka konstatuar se tenda me material zgjedhor të koalicionit NISMA-AKR-PD, është e vendosur në hapësirat publike-rrugë, veprim ky që është në kundërshtim me nenin 33 pika b) e LZP-së, e cila përcakton “ *Vendosja e njoftimeve, pllakateve dhe postereve, ose përndryshe, vendosja e emrave të tyre ose e sloganeve në lidhje me fushatën zgjedhore brenda ose jashtë ndërtesave publike ose godinave, në apo mbi rrugë publike, në shenjat publike të trafikut, brenda ose jashtë hapësirave ose ndërtesave të zëna ose, ndryshe, që shfrytëzohen nga organizatat ndërkombëtare, ose brenda ose në hapësirat private pa lejen e pronarëve ose shfrytëzuesve*”..

Paneli, vendimin e tij e ka mbështet në dëshmi të qarta dhe bindëse siç përcaktohet me nenin 117 par. 3 të LZP-së, prandaj pretendimet në përgjigje në ankesë nuk u cilësuan me ndikim në meritat e lëndës.

Parashtrimet në përgjigje në ankesë, se veprimet e koalicionit NISMA-AKR-PD, nuk janë në kundërshtim me nenin 33 pika të LZP-s, për arsye se lejimi i hapësirës publike për vendosjen e tendës në shesh dhe shfrytëzimin e hapësirës publike, është bërë me pëlqimin e Drejtorisë për Planifikim dhe Urbanizëm në Komunën e Mitrovicës, i datës 30.09.2019, Paneli pretendimet e tilla i vlerësoj si të pa bazuara dhe si të tilla i refuzoj pasi që, me këto prova nuk justifikon veprimet që janë të ndaluara dhe në kundërshtim me dispozitat ligjore të Nenit 33 pika b) i LZP-së, si dhe neni 5 paragrafi 1 pika d) e Rregullës 13/2013, ku parashihet se subjektet e certifikuara politike aktivitetet e tyre zgjedhore duhet t'i bëjnë në pajtueshmëri me Rregullat zgjedhore të Komisionit Qendror Zgjedhor (KQZ). Ky përfundim ka të bëjë me faktin se Kodi i Mirësjelljes i detyron të gjitha subjektet politike, kandidatët, anëtarët e subjekteve dhe mbështetësit e tyre që ta respektojnë këtë kod me qëllim të krijimit të kushteve që gjatë periudhës së fushatës, veprimet e subjekteve politik të jenë në një atmosferë të tolerancës demokracisë, paqes dhe respektit për sundimin e ligjit.

Paneli me rastin e vendosjes se gjobës si në dispozitiv të këtij vendimi, ka marrë parasysh të gjitha rrethanat si në vijim: natyrën e shkeljes dhe ndikimit të mundshëm të saj në procesin zgjedhor në fjalët, shkallën dhe peshën e shkeljes, pjesëmarrjen e subjekti politik në zgjedhjet e mëparshme që konsiston në faktin së koalicioni NISMA- AKR-PD, ka qenë i njoftuar me obligimet dhe përgjegjësit gjatë procesit të fushatës, shkeljet e Ligjeve zgjedhore në fuqi që ka bërë subjekti në fjalë në këto zgjedhje dhe në zgjedhjet e mëparshme në Kosovë që do të thotë se i njëjti është i njoftuar me rregullat zgjedhore si dhe shumën e fondeve që ka marra subjekti politik prej Buxhetit të Republikës së Kosovës, për zhvillimin e aktiviteteve lidhur më fushatën zgjedhore. Po ashtu si rrethanë PZAP-i, mori edhe faktin që këtij subjekti, ia dha mundësinë për tu përgjigjur ashtu që në përgjigjet e tij ka mohuar shkeljet e supozuara. Mos ndërmarrja e masave përmirësuese ka ndikuar në lartësinë e gjobës së shqiptuar si në dispozitiv të këtij vendimi .

Paneli konform nenit 120.1 pika a) të LZP-së urdhëroi koalicionin NISMA- AKR-PD, që të marrë masa dhe të përmirësoj shkeljet në afatin prej 24 orëve dhe nëse koalicioni NISMA- AKR-PD, nuk vepron sipas urdhrat të panelit do të sanksionohet me dënim shtesë nga PZAP-i, në pajtim me nenin 120.2 të LZP-së.

Paneli në kuptim të nenit 120.1, pika c), dhe nenit 118.1, të LZP-së, vendosi si në dispozitiv të këtij vendimi.

Paneli Zgjedhor për Ankesa dhe Parashtrësia

Anr.168/2019 më datën 04.10.2019

Kryesuese e Panelit

Faton Adem



Këshillë Juridike: Kundër këtij vendimi është e lejuar ankesa sipas nenit 118 par. 4 të LZP-së, në Gjykatën Supreme të Kosovës, brenda njëzetekatër (24) orëve nga momenti i marrjes-pranimat të këtij vendimi.